

# Մ աշտոցի Արձագանգ

Հայաստանեայց Եկեղեցւոյ Սուրբ Յակոբ Կիրակնօրեայ Դպրոցի ամսաթերթ  
WWW.SOURPHAGOP.ORG (11-րդ տարի)

## Այս թիւով.....

Քրիստոսի Սուրբ Եկեղեցւոյ եօթը  
խորհուրդները Էջ 2

Նոյեմբեր ամսուան բացատրական  
բառարան Էջ 3-7

Տօն՝ Ս. Հրեշտակապետներ  
Գաբրիէլի եւ Միքայէլի  
Ս. Յովհան Ոսկերեբան  
Յիսնակ  
Սուրբ Գրիգոր Սբանչելագործ  
Տօն Ս. Առաքեալներու Անդրեասի  
եւ Փիլիպպոսի  
Տօն Ս. Առաքեալներու Թադէոսի  
եւ Բարթողոմէոսի  
Սուրբ Նիկողայոս Զմիւռնացի՝  
սբանչելագործ հայրապետը

Յիսուսի Մկրտութիւնը Էջ 8

Սէր թշնամիին հանդէպ Էջ 9

Յիսուս տասը բորոտները կը բուժէ  
Էջ 10

Ս. Կոյսի տաճար ընծայումը Էջ 11

Եզակի գիրեր Էջ 11

Ո՞րն է ճիշդ պատասխանը Էջ 12-15

Կիրակնօրեայի գործունէութիւն Էջ 16

## Նոյեմբեր 2011 (ԺԹ տարի թիւ 3)



## Հ... Հրեշտակապետ

Խաչքարի Հեղինակ՝ Ժողովրդական  
Վարպետ, Ռուբէն Նալբանդյան

### Ամսուան Համարները

«Արդ, ով որ իր անձը այս ամսուկին պէս կը խոնարհեցնէ՝ անիկա է մեծը երկինքի արքայութեան մէջ»: *Մատթէոս 18.4*  
«Զգո՛ւ յշ, մի՛ արհամարհէք այս փոքրիկներէն մէկը. գիտցէք, որ անոնց հրեշտակները երկինքի մէջ միշտ կը տեսնեն իմ երկնաւոր Հայրս»: *Մատթէոս 18.10*

## Քրիստոսի Սուրբ Եկեղեցւոյ Եօթը Խորհուրդները

Այս թիւէն սկսեալ յաջորդական թիւերով պիտի ներկայացնենք մեր եկեղեցւոյ խորհուրդներէն իւրաքանչիւրը:

### Ի՞նչ կը նշանակէ եկեղեցական խորհուրդ

Խորհուրդ կը կոչուին եկեղեցիէն ներս կատարուող արարողութիւնները որոնց միջոցաւ ի յայտ կու գայ Քրիստոսի փրկարար գործութիւնը եւ անոնց միջոցաւ, անտեսանելի ու խորհրդաւոր ձեւով հաւատացեալներուն կը բաշխուին երկնային շնորհները: Այս խորհուրդներուն միջոցաւ, Ս. Եկեղեցին կը շարունակէ Քրիստոսի փրկագործութիւնը եւ կ'օգնէ որ հաւատացեալները հոգեւոր կեանքի բարձրութեան վրայ ամուր եւ անսասան ժաման:



Քրիստոսի սուրբ Եկեղեցին ունի եօթը խորհուրդներ, որոնք են.

- ա. Մկրտութիւն
- բ. Դրոշմ
- գ. Ապաշխարութիւն
- դ. Հաղորդութիւն
- ե. Պսակ կամ ամուսնութիւն
- զ. Ձեռնադրութիւն
- է. Կարգ հիւանդաց կամ Վերջին օծում:

Խորհուրդին միջոցաւ աստուածային շնորհներու արժանանալու համար հաւատացեալէն կը պահանջուի.

- ա. Հաւատք
- բ. Երկիւղածութիւն
- գ. Հոգեկան պատրաստութիւն
- դ. Աղօթք

Խորհուրդը օրինաւորապէս կատարելու համար անհրաժեշտ են.

- ա. Խորհրդակատար ձեռնադրեալ պաշտօնեայ՝ քահանայ կամ եպիսկոպոս,
- բ. Խորհուրդին արտաքին կամ զգալի նշանը: Օրինակ՝ մկրտութեան ատեն՝ ջուրը, Ս. հաղորդութեան ատեն՝ սրբագործուած հացն ու գինին:
- գ. Խորհուրդին յատուկ բանաձեւն ու աղօթքը, որոնք կը սրբագործեն ենթական:

## Նոյեմբեր ամսուան բացատրական տօնացոյց

Շբթ. 5	Սրբոցն Հրեշտակապետացն Գաբրիէլի եւ Միքայէլի
Շբթ. 12	Սրբոցն Առաքելոցն Անդրէի եւ Փիլիպպոսի
Շբթ. 19	Տօն Ամենայն Սրբոց
Կիր. 20	Բարեկենդան Յիսնակաց Պահոց
Բշ. 21	Սբ. Կոյսի Տաճար ընծայում, Ա. օր Յիսնակի Պահոց
Շբթ. 26	Սրբոցն Գրիգոր եւ Նիկողայոսի Սքանչելագործ Հայրապետացն Պահքի Օրեր :2,4,11, 16, 18, 21, 22, 23, 24, 25,

### Տօն՝ Սուրբ Հրեշտակապետներու Գաբրիէլի եւ Միքայէլի



Նոյեմբեր ամսուան առաջին կամ երկրորդ Շաբաթ օրը, Հայց. Եկեղեցին կը յիշատակէ հրեշտակապետներ Գաբրիէլի եւ Միքայէլի տօնը: Հրեշտակ կը նշանակէ պատգամաւոր, առաքեալ «ղրկուած»: Նախապէս անոր կը տրուէր երկնային դեսպան, պատգամաւոր, եւ կամ սուրհանդակ նշանակութիւնը: Աստուածաշունչը կը վկայէ որ հրեշտակները իբրեւ լուսեղէն ստեղծուած են առաջին օրը, լոյսի հետ միասին: Անոնք ժամանակի ներգործութենէն չեն ազդուիր եւ սեռային յատկանիշներ չունին:

Միքայէլ հրեշտակապետը Իսրայէլի ժողովուրդին համար մարտնչելու ընթացքին: Երուսաղէմ, ձեռ. 2027, էջ 4բ, Աստուածաշունչ 1266 թ. Կիլիկիա, ծաղկող Թորոս Ռոպին

Աստուածաշունչին մէջ հրեշտակներու մասին ակնարկութիւնները շատ են: Անոնք կը ներկայացուին իբրեւ բազմաթիւ, մեծագործ եւ զօրաւոր էակներ: Հին Կտակարանին մէջ անոնք Աստուծոյ ներկայացուցիչները կը նկատուին,

միջնորդներ հոգեւոր եւ նիւթեղէն աշխարհներուն միջեւ: Անոնք ունին իրենց ղեկավարները որոնցմէ ամենէն աւելի ծանօթ են Գաբրիէլը եւ Միքայէլը: Հին միջնադարեան մանրանկարչութեան մէջ յատկապէս, կը գտնենք Գաբրիէլ հրեշտակապետի պատկերը, Տիրամօր աւետելու ատեն:



**Գիտէի՞ր թէ...ներկայիս Ս. Թաղէի վանքը կը գտնուի Պարսկաստանի Հիւսիս Արեւմտեան ծայրամասը: Վանքը որպէս քրիստոնէական հնագոյն եւ ճարտարապետական բարձր արժէք ներկայացնող կեդրոն, մաս կը կազմէ Իրանի պետութեան եւ ՅՈՒՆԷՍԿՈՅԻ կողմէ ընդունուած, ուշադրութեան արժանի յուշարձաններու շարքին:**

# Սուրբ Յովհան Ոսկեբերան (344/54-407 թթ.)



Սուրբ Յովհան Ոսկեբերանը, որուն տօնը այս տարի Հոկտեմբեր 30-ին տօնեցինք, ընդհանրական եկեղեցւոյ տասներկու վարդապետներէն մէկն է: Ծնած է Անտիոքի մէջ, ազնուական ընտանիքի մէջ, ազգութեամբ՝ ասորի: Հայրը մահացեր է երբ ան տակաւին մանուկ էր: Սօր բարի խնամքին շնորհիւ ստացեր է լաւ կրթութիւն՝ ուսանելով Ժամանակի հռչակաւոր հռետոր եւ ճարտասան Լիբանիոսի մօտ:

380 թուականին Մելիտոս եպիսկոպոսի թախանձագին հարկադրանքով սարկաւազ կը ձեռնադրուի: 386 թուականին Մելիտոսին յաջորդած Փլաբիանոս հայրապետը զայն քահանայ կը ձեռնադրէ: 397 թուականին կը վախճանի Կոստանդնուպոլսոյ Նեկտարիոս պատրիարքը, Արկադիոս կայսրը, տեղեակ ըլլալով սուրբ Յովհան Ոսկեբերանի համբաւի մասին, կը պատուիրէ, որպէսզի զայն անմիջապէս, անադմուկ բերեն Կոստանդնուպոլիս պատրիարք ձեռնադրելու: 398 թուականին տեղի կ'ունենայ անոր ձեռնադրութիւնը:

Իր հօտին նուիրուած հովիւը ոչ միայն քաղցրութեամբ կը խրատեր, այլ երբեմն յանդիմանութեամբ, այդ էր պատճառը, որ շուտով անուանի հայրապետը շատ հակառակորդներ կ'ունենայ: Այդ հակառակորդներու շարքին մէջ էր նաեւ Եւոքսիա թագուհին, որ կը յանդիմանուէր հայրապետի կողմէ արքունական յոռի բարքերու պատճառով: Իր թշնամիներու սադրանքով 403 թուականին ան կ'աքսորուի, սակայն վախնալով ժողովուրդի ցասումէն և այդ օրերուն տեղի ունեցած երկրաշարժէն՝ արքունիքը ետ կը բերէ հայրապետը: 404 թուականին Ս. Յովհան Ոսկեբերանը դարձեալ կ'աքսորուի Կիլիկիոյ Կոկիսոն քաղաքը, աւելի ուշ՝ Բիւզանդիա: Չդիմանալով ճանապարհի դժուարութիւններուն՝ 407 թուականին կը մահանայ: Անոր արտասանած վերջին բառերն են. «Փառք քեզ, Աստուած, փառք քեզ, ամէն ինչի համար փառք քեզ»:

438թ. սուրբի մարմինը մեծ հանդիսաւորութեամբ կը բերուի եւ կ'ամփոփուի Կ. Պոլսոյ Ս. Առաքելոց եկեղեցւոյ մէջ:

Ընդհանրական եկեղեցւոյ այս անխոնջ մշակի ոսկեբերան խօսքերը դարեր շարունակ առաջնորդեր և կրթեր են բազում եկեղեցական սերունդներ: Անոր խօսքերէն կատարուած մէջբերումներու կը հանդիպինք ամենուրեք: Ան յայտնի է իր Աստուածաշունչ մատեանի գիրքերու մեկնութիւններով: Բազմատեսակ է անոր մատենագրական վաստակը՝ մեկնութիւններ, ճառեր, ներբողներ, թուղթեր և այլն, որոնք իրենց բարերար ազդեցութիւնը ունեցած են քրիստոնէական մտքի պատմութեան վրայ: Անոր գործերը հայերէնի թարգմանուած են, արդէն իսկ իր կենդանութեան օրերուն:

Հայ Առաքելական Եկեղեցին Ս. Յովհան Ոսկեբերանի յիշատակն ամէն տարի կը տօնէ երկու անգամ, նախ՝ Տասներկու վարդապետներու շարքին՝ Խաչվերացի Զ. Կիրակիին յաջորդող շաբաթ օրը, ապա, առանձին՝ Խաչվերացի Է. Կիրակիին յաջորդող շաբաթ օրը:

*ստացանք director@sourphagop.org հասցէին*  
Յարգելի խմբագիր,  
Շատ ուրախ եմ որ Թարգմանչաց տօնը ամէն տարի կը յարգէք: Կը մաղթեմ որ երիտասարդներ հայագիր ե-նամակներով հաղորդակցին իրարու, ուխտած ըլլալով Մեսրոպագիրը մինչեւ 22-րդ դար կենդանի լեզուներու շարքին մէջ պահել:  
ԿԱՐՊԻՍ ԱՐՄԷՆ



## Հրեշտակներու քանդակներ Աղթամարի Սուրբ Խաչ եկեղեցոյ ճակատին Յիսնակ

Յիսնակը, 50 օրերու միջոց մըն է, որուն ընթացքին կը պատրաստուինք տօնելու Յիսուսի ծնունդն ու աստուածայայտնութիւնը որ տեղի կ'ունենայ Յունուար 6-ին: Յունուար 6-էն 50 օրեր ետեւ հաշուելով կը հասնինք Նոյեմբեր 18-ին, հետեւաբար այդ թուականին ամենէն մօտ Կիրակիին Յիսնակի Բարեկենդանն է:

Կար ժամանակ, երբ Յիսնակի ամբողջ տեւողութեան պահք կը պահուէր, Ս. Յարութեան նախորդող մեծ պահքին պէս: Սակայն ներկայիս սովորական Չորեքշաբթիի եւ Ուրբաթի պահքերէն զատ երեք շաբաթներու վերածուեր է Յիսնակի Պահքը: Առաջին շաբաթը Յիսնակի Պահք, Դեկտեմբերին՝ Ս. Յակոբի պահք, իսկ Յունուարին՝ Ս. Ծննդեան պահք:

## Սուրբ Գրիգոր Սքանչելագործ



Ս. Գրիգոր Սքանչելագործը ծներ է Պոնտոսի (Սեբաստիա) Նեոկեսարիա քաղաքին, ազնուական ընտանիքի մը մէջ, շուրջ 210 թ.: Գրիգորը մտադիր էր հմտանալ օրէնսգիտութեան և հռետորութեան մէջ, սակայն Աստուած անոր եւ իր եղբօր համար այլ ճանապարհ նախասահմաներ էր, անոնք ուսում ստացան Աթենքի մէջ, ապա Պաղեստինեան Կեսարիա քաղաքին մէջ, աշակերտելով այն ժամանակուայ ամենահեղինակաւոր քրիստոնէայ մտաւորականին՝ Որոզհնեսին: Նեոկեսարիա վերադառնալով՝ ան կը ձեռնադրուի քաղաքի եպիսկոպոս: Աւանդութեան համաձայն, Ս. Գրիգորի եպիսկոպոս ձեռնադրուելու օրերուն Նեոկեսարիոյ մէջ հազիւ 17 քրիստոնէայ կար, իսկ մահուան օրերուն՝ ընդամենը 17 հեթանոս: Իր անուան հետ կապուած բազմաթիւ հրաշքներու համար արժանացեր է «Սքանչելագործ» մակդիրին:

Ս. Գրիգոր աչալըջութեամբ կառավարեց թէ՛ իրեն վստահուած թե՛մ ու ժողովուրդը և թէ՛ եղաւ մեծ մատենագիր թողելով բազմաթիւ աստուածաբանական երկեր:

Ան վախճանած է 270 թ. խաղաղ մահուամբ: Հայ Առաքելական Եկեղեցին Ս. Գրիգոր Սքանչելագործի, Նիկողայոս Հայրապետի և Միւռոն եպիսկոպոսի յիշատակը կը տօնէ Ս. Խաչի Ժ. Կիրակիին յաջորդող Շաբաթ օրը:

### Տօն՝ Սուրբ Առաքեալներու Անդրեասի եւ Փիլիպպոսի

Անդրեաս առաքեալը Պետրոս առաքեալի եղբայրն էր, որ իրեն պէս ձկնորս էր: Սկիզբը, Անդրեասը աշակերտեր է Ս. Յովհաննէս Մկրտիչին եւ Յիսուսը գտնելէ ետք, անմիջապէս իր եղբայրը Պետրոսը գտած ու ըսած է անոր «Մեսիան գտանք» «Յովհ. 1.35-42»: Ըստ աւանդութեան, Ս. Անդրեաս առաքեալ կը քարոզէ Յունաստանի եւ փոքր Ասիոյ մէջ եւ կը նահատակուի X ձեռով խաչի մահով, Յունաստանի մէջ:

Փիլիպպոս առաքեալը Բեթսայիդէն էր, Անդրեասի եւ Պետրոսի քաղաքէն: Յիսուս էր որ երբ Գալիլիա գացած ատեն Փիլիպպոսը տեսաւ, անոր ըսաւ. «Հետեւէ՛ ինձի»: Անդրեասն ալ իր կարգին գտաւ Բարթողոմէոսը «Նաթանայէլը» եւ զայն Յիսուսի ներկայացուց «Յովհ. 1.43-51»: Ըստ աւանդութեան կը նահատակուի Եփեսոսի մէջ խաչի մահով:

### Տօն՝ Սուրբ Առաքեալներու Թադէոսի եւ Բարթողոմէոսի

Հայաստանի մէջ Քրիստոսի աւետարանին քարոզութիւնը առաջին անգամ մուտք գործեց Ս. Թադէոս առաքեալի միջոցաւ: Աստուածաշունչին մէջ ան նաեւ կը կոչուի Ղեբէոս եւ Յուդա: Յիսուսի Համբարձումէն ետք Ս. Թադէոս եկաւ Եդեսիա եւ ծանր հիւանդութենէն բժշկեց Արգար թագաւորը: Ան մեր երկիրը բերաւ նաեւ Ս. Գեղարդը



որ գործածուած էր Յիսուսի կողմը խոցելու խաչափայտին վրայ: Արգարի նամակով Ս. Թադէոս եկաւ Արտազ գաւառը՝ Սանատրուկ թագաւորին մօտ եւ դարձի բերաւ թագաւորն ու Սանդուխտ կոյսը: Սակայն, Արգարի մահէն ետք Սանատրուկ ուրացաւ իր հաւատքը եւ ծանր հալածանքներ սկսաւ քրիստոնէաներուն դէմ: Նախ նահատակուեցաւ թագաւորին դուստրը, ապա նաեւ Ս. Թադէոս առաքեալը 46 թուին: Ս. Թադէի վանքը ներկայիս կը գտնուի Իրանի մէջ:

Բարթողոմէոս Առաքեալ կը կոչուի նաեւ Նաթանայէլ: Ան Հնդկաստանէն վերադարձին Գողթան գաւառէն սկսաւ իր քարոզութիւնը Հայաստանի մէջ: Ըստ աւանդութեան, ան Հայաստան բերաւ Տիրամօր սրբապատկերը եւ Անահիտ դիցուհիի մեհեանին տեղ կառուցեց Ս. Աստուածածին եկեղեցին, ինչպէս



նաեւ կուսանոց: Ըստ աւանդութեան Ս. Թադէոս եւ Ս. Բարթողոմէոս առաքեալները իրարու կը հանդիպին Արտաշատի կամուրջին վրայ:

Հայաստանեայց եկեղեցին սուրբերուն տօնը 2011-ին կը յիշատակէ Դեկտեմբեր 3-ին:

## Սուրբ Նիկողայոս Զմիռնացի՝ սքանչելագործ հայրապետը

Ս. Նիկողայոս Հայրապետը ծնած է Փոքր Ասիոյ Լիկիա գաւառի Բաթարա քաղաքին մէջ (ներկայիս Անթալիայի մօտակայ): Փոքր հասակէն կորսնցուցած է մեծահարուստ եւ բարեպաշտ ծնողքը եւ մեծցած է իր մօրեղբօր՝ Նիկողայոս Երէց եպիսկոպոսի խնամքին ներքեւ: Աւետարանական պատգամը՝ «Ինչ որ ունիս՝ ծախէ եւ աղքատներուն տուր» (հմմտ. Մտթ. 19.21), իր կեանքի նշանաբանը կը դարձնէ՝ իր խնամքը տարածելով աղքատներու, հիւանդներու, բանտարկեալներու եւ որբերու վրայ: Ժողովուրդի կամքով կը դառնայ Զմիռնիոյ եպիսկոպոսը: Հալածանքներու ընթացքին կ'աքսորուի, սակայն չի դադրիր ամենուրեք Աւետարանը քարոզելէ: Խաղաղութիւն վերահաստատուելուն պէս կը վերադառնայ իր աթոռը, կը մասնակցի 325 թ. Նիկիոյ Տիեզերական ժողովին: Կը մահանայ 326թ.: Ընդհանրական Եկեղեցւոյ ամենասիրուած սուրբերէն է՝ առաւելաբար յայտնի Santa Claus անունով:



Հրեշտակի բարձրաքանդակը Ադթամար վանքի Ս. Խաչ եկեղեցւոյ ճակատին




«Հրեշտակը եւ Ս. Մարիամը» 1330-ի Կիրակոս Աղբակեցիի «Աւետում» մանրանկարը

## Յիսուսի Մկրտութիւնը


Ղուկաս 3:21-22

Կէտ ունեցող բաժինը ներկեցէք եւ գտէք թէ ինչ իջաւ Յիսուսի վրայ: Ապա գտէք պահուած բառերը եւ գրեցէք գծիկներուն վրայ:

Ներկայ ամբողջ ժողովուրդը մկրտուելէ ետք՝ Յիսուս ալ մկրտուեցաւ: Երբ Յիսուս կ'աղօթէր, երկինքը բացուեցաւ եւ \_\_\_\_\_ տեսանելի կերպարանքով \_\_\_\_\_ պէս իջաւ անոր վրայ: \_\_\_\_\_ մը լսուեցաւ երկինքէն, որ կ'ըսէր - « \_\_\_\_\_ », \_\_\_\_\_ »:







### Սէր թշնամիին հանդէպ

Ղուկաս 6:27-36

Խառնուած գիրերը ճիշդ կարգով գրէ եւ գտիր Ղուկաս 6:31


նչի	րո	քովէկ	րո	զձիե	ներն
ւքոդ	լա	նցնաո	յնըո	աղկիմր	էքրը

-----  
 -----  
 ----- :

Ջնջէ գոյգ գրուած գիրերը:  
Մնացած գիրերով բառ մը կազմէ  
եւ ամբողջացուր

----- եղէք, ինչպէս որ ձեր  
 երկնաւոր հայրն ալ ----- է:

Ղուկաս 6:36






## Մուրբ Կոյսի Տաճար Ընծայումը

Մարիամի ծնողքը ուխտեր էին, որ իրենց զուակը պիտի ընծայեն Տիրոջ: Երբ Մարիամ մեկ տարեկան եղաւ, ծնողքը զինք տաճար տարին Աստուծոյ ընծայելու: Երբ Մարիամ 3 տարեկան եղաւ, ծնողքը դարձեալ զինք տաճար տարաւ մինչեւ Մարիամի 7-րդ տարեդարձը:

Եօթը տարեկանէն սկսեալ, Մարիամը սկսաւ ապրիլ տաճարին մէջ: Ան ստացաւ Ս. Հոգիին եօթը շնորհները՝ եւ զարդարուեցաւ եօթը առաքինութիւններով: Ան բնակեցաւ տաճարին մէջ իբրեւ անբիժ աղանի, աճեցաւ եւ զարգացաւ հասակով եւ իմաստութեամբ: Մարիամ իր առաքինի վարքով եօթը տարի փաց տաճարին մէջ եւ ամէն օր հոգիով կը կրթուէր պարկեշտութեան մէջ:



ԱՌԻՆՋԻ Ս. Աստուածածին Եկեղեցին 2000թ

## Եզակի գիրեր Հայերէն գիրերով Sudoku

է	գ	թ	ե	ա	դ	զ	ը	բ
ը	ա	բ	է	զ	թ	դ	ե	գ
զ	դ	ե	ը	գ	բ	ա	է	թ
դ	թ	զ	բ	է	զ	ը	ա	ե
զ	ը	ա	զ	դ	ե	թ	բ	է
ե	բ	է	թ	ը	ա	զ	դ	զ
թ	է	զ	ա	ե	ը	բ	զ	դ
բ	զ	ը	դ	թ	է	ե	զ	ա
ա	ե	դ	զ	բ	զ	է	թ	ը

ը					ա		ե	թ
		զ	է	բ			ը	
	զ	է	զ					դ
				դ	զ	թ	բ	ը
	ա						է	
դ	ը	բ	թ	զ				
զ					թ	զ	դ	
	է			զ	է	ա		
բ	դ		է					է

Նախորդ «Եզակի գիրեր»ուն լուծումը

Ամբողջացուր քառակուսիները, գործածելով ա, բ, գ, դ, ե, զ, է, ը, թ գիրերը պայմանաւ որ միայն մեկ անգամ գործածես իւրաքանչիւր գիր, իւրաքանչիւր

- . հորիզոնական գիծի վրայ
- . ուղղահայեաց գիծի վրայ եւ
- . իննեակ քառակուսիի մէջ:

### Ո՞րն է ճիշդ պատասխանը Մանկապարտեզի անկիւն



Ամէն մարդ կերաւ այնքան որ ուզեց: Եւ ինչ որ աւելցաւ, տասներկու կողով լեցուց:

Ամբողջացո՛ւր ըստ Ղուկասի Աւետարանին 9.14-17

հինգ, յիսունական, տասներկու, աչքերը, կշտացան, ձուկը, հացը, կատարեցին

Որովհետեւ շուրջ ----- հազար մարդ կար: Յիսուս  
աշակերտներուն ըսաւ.

- Նստեցուցէք զանոնք ----- հոգինոց խումբերով:

Անոնք ----- հրահանգը եւ նստեցուցին բոլորն ալ: Ապա  
Յիսուս առաւ հինգ ----- եւ երկու -----, ----- երկինք  
բարձրացուց, օրհնեց, կտրեց եւ աշակերտներուն տուաւ որ  
բաժնեն ժողովուրդին: Բոլորն ալ կերան ու -----, եւ  
աշակերտները աւելցած կտորները հաւաքելով՝  
----- սակառ լեցուցին:

Ո՞րն է ճիշդ պատասխանը

Նախակրթարան Ա. Բ. եւ Գ. դասարաններու անկիւն

1.- Որո՞ւ տօնը այս տարի կը տօնենք  
Նոյեմբեր 19ին:

- ա. Ս. Յովհաննէս Ոսկեբերան  
Հայրապետ
- բ. Ս. Գեորգ
- գ. Ս. Անդրէաս եւ Ս. Փիլիպպոս
- դ. Բոլոր Սուրբերուն

դ. 7

2.- Այս տարի ե՞րբ կը տօնենք  
Ս. Գաբրիէլ եւ Ս. Միքայէլ  
Հրեշտակապետերուն տօնը:

- ա. Նոյեմբեր 5
- բ. Նոյեմբեր 13
- գ. Նոյեմբեր 20
- դ. Նոյեմբեր 27

6.- Քանի՞ հատ են Քրիստոսի Սուրբ  
Եկեղեցոյ խորհուրդները:

- ա. 1
- բ. 3
- գ. 7
- դ. 12

3.- Այս տարի ե՞րբ կը տօնենք Սուրբ  
Առաքեալներու Անդրէասի եւ  
Փիլիպպոսի տօնը:

- ա. Նոյեմբեր 6
- բ. Նոյեմբեր 12
- գ. Նոյեմբեր 20
- դ. Նոյեմբեր 27

7.- Ըսէ՛ մէկ բառով. Ոսկի Բերան  
Ունեցող:

Ո-----ն

8.- Գրէ՛ Հրեշտակապետին անունը:

Մ-----

9.- Գրէ՛ Հրեշտակապետին անունը:

Գ-----

4.- Ս. Կոյս Մարիամ քանի՞  
տարեկանէն սկսեալ սկսաւ  
Տաճարին մէջ ապրիլ:

- ա. 6
- բ. 12
- գ. 20
- դ. 7

10.- Ի՞նչ էր Պետրոս Առաքեալին  
եղբօրը անունը:

- ա. Ս. Յովհաննէս Ոսկեբերան  
Հայրապետ
- բ. Ս. Փիլիպպոս
- գ. Ս. Անդրէաս
- դ. Ս. Գրիգոր

5.- Յիսնակը, քանի՞ օրերու միջոց մըն  
է:

- ա. 6
- բ. 13
- գ. 50

## Ո՞րն է ճիշդ պատասխանը

## Նախակրթարան Դ. Ե. և Զ. դասարաններու անկիւն

1.- Որո՞ւ տօնը այս տարի կը տօնենք  
Նոյեմբեր 12ին:

- ա. Ս. Յովհաննէս Ոսկեբերան  
Հայրապետին
- բ. Ս. Գեորգին
- գ. Ս. Անդրէաս եւ Ս. Փիլիպպոսին
- դ. Բոլոր Սուրբերուն

2.- Այս տարի ե՞րբ կը տօնենք Ս.  
Կոյսին Տաճար ընծայումը:

- ա. Նոյեմբեր 6
- բ. Նոյեմբեր 13
- գ. Նոյեմբեր 21
- դ. Նոյեմբեր 27

3.- Այս տարի ե՞րբ կը տօնենք Սուրբ  
Գրիգոր Սքանչելագործի տօնը:

- ա. Նոյեմբեր 6
- բ. Նոյեմբեր 13
- գ. Նոյեմբեր 20
- դ. Նոյեմբեր 26

4.- Այս տարի ե՞րբ տօնեցինք Ս.  
Յովհան Ոսկեբերանի տօնը:

- ա. Նոյեմբեր 6
- բ. Նոյեմբեր 13
- գ. Հոկտեմբեր 20
- դ. Հոկտեմբեր 30

5.- Յիսնակի Բարեկենդանը  
Նոյեմբերի ո՞ր օրուան ամենէն մօտ  
Կիրակիին կը հանդիպի:

- ա. 6
- բ. 16
- գ. 18
- դ. 31

6.- Ի՞նչ է Ս. Մկրտութեան  
խորհուրդին զգալի նշանը:

- ա. Ջուր
- բ. Գինի
- գ. Հաց
- դ. Ս. Միւռն

7.- Ինչե՞ր են Ս. Հաղորդութեան  
զգալի նշանները:

- ա. Ջուր
- բ. Գինի
- գ. Հաց
- դ. Ս. Միւռն

8.- Աստուածաշունչին մէջ ո՞ւր կը  
կարդանք:

««Զգո՞ւ՛յ՛, մի՛ արհամարհէք այս  
փոքրիկներէն մէկը. գիտցէք, որ անոնց  
հրեշտակները երկինքի մէջ միշտ կը  
տեսնեն իմ երկնաւոր Հայրս»:

Աւետարան ըստ Մ-----սի ---.

9.- Յիսուս քանի՞ բորոտներ բժշկեց  
ըստ Ղուկասի 17.11-19-ին:

- ա. 5
- բ. 1
- գ. 12
- դ. 10

10.- Յիսուսի բժշկած բորոտներէն  
քանի՞ հոգի վերադարձան  
շնորհակալութիւն յայտնելու:

- ա. 5
- բ. 1
- գ. 12
- դ. 10

Ո՞րն է ճիշդ պատասխանը  
Երկրորդականի անկիւն

1.- Որո՞ւ տօնը այս տարի կը տօնենք  
Նոյեմբեր 21ին: (2 պատասխան)  
ա. Ս. Կոյսի Տաճար ընծայում  
բ. Ա. օր Յիսնակի Պահոց  
գ. Ս. Անդրեասի եւ Ս. Փիլիպպոսի  
դ. Բոլոր Սուրբերուն

բ.  
գ.  
դ.

2.- Յիսուսի ո՞ր Առաքելը X ձեռով  
խաչի մահով մահացաւ:  
ա. Մատթէոս  
բ. Թադէոս  
գ. Բարթողոմէոս  
դ. Անդրեաս

3.- Թուէ՛ Ընդհանրական Եկեղեցւոյ  
12 վարդապետներէն մէկը որուն  
յիշատակը տարին 2 անգամ կը  
տօնենք:

ա. Ս. Յովհան Ոսկեբերան  
բ. Ս. Գրիգոր Սքանչելագործ  
գ. Ս. Անդրեաս  
դ. Ս. Փիլիպպոս

4.- Մեր Եկեղեցւոյ 7 խորհուրդներէն  
ո՞ր մէկը կը տրուի Ս. Պատարագին  
ընդմէջէն:  
ա. Մկրտութիւն  
բ. Դրոշմ  
գ. Ապաշխարութիւն  
դ. Հաղորդութիւն

5.- Խորհուրդին միջոցաւ  
աստուածային շնորհներու  
արժանանալու համար  
հաւատացեալէն ի՞նչ կը պահանջուի:  
ա.

6.- Ներկայիս ո՞ւր կը գտնուի Ս.  
Թադէի վանքը:

----- Հիւսիս  
Արեւմտեան ծայրամասը:

7.- Ս. Հաղորդութեան ընթացքին, Ս.  
Սեղան ընծայուող ո՞ր երկու նիւթերը  
կը փոխակերպուին Քրիստոսի  
Մարմնին ու Արեան:

----- ու -----

8.- Ըստ աւանդութեան Հայաստանի  
մէջ ո՞ւր կը հանդիպին Ս. Թադէոս եւ  
Ս. Բարթողոմէոս առաքելները:

-----ի կամուրջին վրայ

9.- Ամբողջացո՛ւր Ղուկաս 6.31-ի  
ոսկեշէն համարը:

Ինչ որ -----  
ձեզի ----- դուք ալ -----  
անոնց:

10.- Ով է իրաւ Santa Claus-ը եւ ո՞ր  
տիեզերական ժողովին մասնակցած  
է:

ա. Ս. Ն----- Զ-----

բ. -----

2011-2012 Տարեշրջան (32րդ)

Գործունեություն`

Ամեն Կիրակի Ժամը 10:30 – 1:00

Մանկապարտեզ : Ա., Բ. եւ Գ. Դասարաններ	(3 - 5	տարեկան)
Նախակրթարան : Ա., Բ., Գ., Դ., Ե., Եւ Զ., Դասարաններ	(6 - 11	տարեկան)
Երկրորդական : Ա., Բ., Գ., Դ. եւ Ե. Դասարաններ	(12 - 16	տարեկան)

Յաւելեալ տեղեկութիւններու համար դիմել Տնօրէնին`

Թորոս Պապիկեան

Հեռ. (514)-956-1277 email [director@sourphagop.org](mailto:director@sourphagop.org)

Կայքէջ`

[www.sourphagop.org](http://www.sourphagop.org)

11-րդ տարի

Ամսաթերթ`

«Մաշտոցի Արձագանգ»

[www.sourphagop.org/մաշտոցի\\_արձագանգ](http://www.sourphagop.org/մաշտոցի_արձագանգ)

19-րդ տարի